

احوالات خروج از مکه

و ورود کاروان حسینی به کربلا

سس دوشدی کعبه ده که حسین بیٹی ترک ایدر
 حُجَّاج دن سینوب اورگی دیدہ تر گیدر
 قہر ایتدی کعبہ صاحبی حُجَّاج کعبہ دن
 ہر یردہ، ہر کیم ایلسہ درک خطر گیدر
 بیر سمتدن چکوبدی قطاری کہ عمدتاً
 دروازہ دور خلاق او یردن گلر گیدر
 ایستوردی اہل عالمہ اوضاعی بیلدیرہ
 چون کعبہ دن تمام جہانہ خبر گیدر
 پیغمبر اوغلی سگڑ ذیحجَّادہ جمع ایدوب
 باشدا تمام عترت خیر البشر گیدر
 بو مسئلہ اولوبدی معنًا جماعتہ
 آیا حسین ندن بلہ شوریدہ سر گیدر
 بو گیتمگی یزیدہ بیر اعلام جرمیدی
 اما عوام مغزینہ بو سوز مگر گیدر؟

هر پرده فرصت ایلادی نعلقه سوزین دیدی
 قورخماز او کس که مرگی سعادت بیلر گیدر
 یعنی بو کعبه نون حرم آمن دور آدی
 امنیت اولماسا هامی کس ترک ایدر گیدر
 عمال نابکار گلوب قانیمی توکه
 قانیم کیمی بو حرمت کعبه هدر گیدر
 ای حاجی لر منیم کیمی بیر سیزده فکر ایدون
 اونلار که توز دیارینه ایلر سفر گیدر
 ظلم بنی امیه نی هر یرده شرح ایدون
 گیتسه یزید، فتنه گیدر ظلم و شر گیدر
 ایتسوز اگر مسامحه مسئول سوز هاموز
 اسلامون آبروسی هر ایشن بتر گیدر
 جدیم خبر ویروبدی اگر نخلق دینمسه
 مین آی بنی امیه ملعون شجر گیدر
 بیدار اولون قیام ایلون سدی سندرون
 بیر مشت محکمیه او ننگین سیر گیدر

داشتن بتردی گوردی قسی قلبی مردمون
 کیم اولسا داشلاری آتگیندن توکر گیدر
 آیریلدی کعبه عرفا بیت کعبه دن
 هر چند کعبه وصلینه حسرت چکر گیدر
 یول نقشه سین ویروبدی علمدار لشگره
 هاردان هارا بو قافله مز بی خطر گیدر
 طی ایتدی طبق نقشه قلبی منازل
 آهنگ زنگین یول آلوب ناقه لر گیدر
 نه هی وُروللا تند گیدوب اینجیده بیرین
 نه بوشلیوللا باشینه آهسته تر گیدر
 محمل لری که ناقه لر اوستنده باغلانوب
 بیر نظم خاصیلن گورونور سربه سر گیدر
 گون گورمیور کجاوده اقا کیم اگلشوب
 چون دور و برده پرده سی پوشیده سر گیدر
 محمل لری که پرده سی وار شال و ترمه دن
 کیم باخبردی کیم لر اوتورمش نه لر گیدر

بیر بُت یونوب یرینده قویوبدور معاویه
 دوشمش دالیجا هر بشر بی بصر گیدر
 اسلام آدیلا ایتدی مسلمانی بت پرست
 شیطان بیرله همدم اولا ثورگدر گیدر
 قلبیم ورم گتوردی بو خلق عوامدن
 دجالده چاغورسا دالیجا دوشر گیدر
 جدیم خبر ویروب سیزه بیر بیر بو گونلری
 ایلر حسین قیام، حسن خونجگر گیدر
 حدن گچوب مظالم و افساد و اختناق
 اصلاح کار خلقه حسین دریدر گیدر
 گلسه دالمجا کعبه عشقه یول آختاران
 احرام سرخ رنگ شهادت گیر گیدر
 القصه بیر آز عذیه سوز ایلدی اثر
 مسمار آهنین داشی آیا ذلر گیدر؟
 یوخ یوخ حسین مواعظی شمشیر تیزدور
 هر قلب اگر داش اولسا بو سوزلر کسر گیدر

محملده دوره بالش پرقودی تکیه گاه
 اهل و عیاله باخ نجه گور بختور گیدر
 غرق سلاح آت اوسته جوانان هاشمی
 هر بیر کجاویه بیری ایلر نظر گیدر
 دوتمش وزیر شاهیه بیر قدر فاصله
 گویا آنوب آت اوستنه شمس و قمر گیدر
 اکبر جمالی لیلینی مجنونه اوخشادوب
 مین لیلی اولسا بیر توکه باغلار چکر گیدر
 عباس بیرجه زینب و کلثومه گوز تکوب
 آلمش کناره محملی چون شیر نر گیدر
 اما حسین مواظبت ایلور ربابدن
 چون حقی وار قوجاقه آلوب صودامر گیدر
 قاسم یتیم قارداشی ویرمش آناسینه
 اولمش ثوزی جوانلاریلان همسفر گیدر
 هر کیم سو ایستیور سو دیجکک جام الندهدی
 عباس ساغدی کیم سو دیر تر ویرر گیدر

کیم عمه جان دیور اونا دورد عمه سس ویرور
کیم سسلنور عمو عموسی جان دیر گیدر
هر کس گورور رقیه گیدوب فکره دینمیور
نازین چکوب قوجاقه آلوب دیندیرر گیدر
اما رقیه نون گنده گولمه یوزی
اکبر گلوب او قدری ئوپر گولورر گیدر
هر بیر دوشرگه ده توکولور اهل قافله
اول گلوب ربابه هامی باش چکر گیدر
تز تز فقط دولور بوشالور نخیمه رباب
قزلار علی اصغری بیر بیر ئوپر گیدر
هر دم او قدری فرصتی اولمازدی صود ویره
تز قندا قین فقط آچوب اوندان بلر گیدر
ازبس بیلوردی قافله نون چوخ شتابی وار
نیلک دیردی یولدا بالام صود، امر گیدر
سعی ایلون که تز یتیشک وعده گاهه بیز
چوللرده اولسا هر نه مشقت گچر گیدر

ویزم قسم دیدی خدایا او آدلارا
 ذکر ایلینده دله اولان غصه لر گیدر
 بیرده نبی اکرمه، محبوبی حیدره
 زهرایه که آدیلا اورکدن کدر گیدر
 گویلرده کهکشانلارا یکسر آی اولدوزا
 فانوس تک خلیقه یول گوسترر گیدر
 دریالره او سربه فلک سخت داغلارا
 طوفانلی یلره که هواده أسر گیدر
 بیرده او قوشلارا که سینار قول قنادلاری
 صیاد آشیانلارینی محو ایدر گیدر
 ویزم بالاسی اوخلانان آهویده قسم
 هر دم دونوب دالیجا باخوب بیر مکرر گیدر
 رحم ایله دوشلریمده اولان صود چکیلمسون
 صود دوشلریمده اولماسا او غلوم کوسر گیدر
 ویرمشدی چون خبر گاجک گونلرین حسین
 آگاهیدی نهر گلر آیا نهر گیدر

مردم دیدی کاش گوریدیم دل آچماقین
 اوغلوم دل آچسا محنت و رنج سفر گیدر
 بیرجه رقیه سسلیه آغوشه من بانام
 تز تز گورم ایملکر ایملکر گولر گیدر
 بیجا مذمت ایتمیون اصغر آناسینی
 انسان سفرده فکره اولار غوطه ور گیدر
 یوللاردا هی خیال ایلوب نقشه لر چکر
 مقصده نقشه لر پوزولار بی ثمر گیدر
 کالا نقدری یولدادی وار آیری ارزشی
 بازاره گلدی چونخلاری ایلر ضرر گیدر
 یولدا دیسون ویر اصغروین بیر توکون خانم
 گر دامنی طلائیله دولسا توکر گیدر
 لیلادن ایسته اکبرینون بیرجه کبریگین
 دنیا جواهر اولسا اوننی قیترر گیدر
 عباسون ایسته خرداجا بیر بارماقین فقط
 ویرمز حسین فراته آنخا سیم و زر گیدر

اقا مَظَنَه آیریدی بازار عشقده
 کالادی گاه کمتر و گه بیشتر گیدر
 کرب و بلایه گلدی او قیمتلی جنس لر
 قیمتلی جنسی آلماقا اهل نظر گیدر
 بازار عشقه اوچ اوخیلان گلدی حرمله
 بیلسه رباب سینه سین ایلر سپر گیدر
 بیر ایله جنسه ویرمدیلر بیر دو یونجا سو
 سقا گوروب سوسوزلاری شرمنده تر گیدر
 بیر مشک سو آلانمدی بیر جفت اوزون قولا
 هر اوخ دگور سو مشکینه قلبین بولر گیدر
 اکبرده گیتدی اصغری ده سو ایچنمدی
 بیر سو که هی وحوش بیابان ایچر گیدر